

Papiamento den Bon Dia

Ernesto E. Rosenstand



PENSAMENTO DI UN PENSAMENTO

Nos pensamento pa Awe ta uno di Rabindranah Tagore.

Tagore tabata un poeta Hindu.

El a yega di bisa:

E SABIO TA ADVERTI CU BIDA TA SOLAMENTE UN GOTA DI SERENA RIBA UN BLACHI DI LOTUS.

Otro pensamento riba bida.

Den e pensamento aki nos ta haya sa cu bida ta hopi fragil

Ma tambe hopi bunita. .

Di un pa dos e por bai laga nos.

E SABIO TA ADVERTI CU BIDA TA SOLAMENE UN GOTA DI SERENA RIBA UN BLACHI DI LOTUS.

EXPRESIONAN

Den tur idioma nos tin expresionnan.

Esakinan ta mara na e cultura di e pueblo.

Nos lo trece pa boso algun di nos expresionnan.

Nos expresion pa awe ta:

E TA SU MUCHA MANDA

E ta nifica:

NAN TA MALUS'E

Ban usa mas expresion den nos idioma.

UNDA E FALTA...

BAN USA CORECTAMENTE NOS IDIOMA

Den e frase aki tin un falta.

PAISNAN ARABE A SUAVISA SU LENGUAHE.

UNDA E FALTA TA?

E falta ta cometi contra concordancia di palabranan.

Paisnan ta plural, pesei nos mester bisa; NAN lenguahe.

E frase corecto lo mester a bira:

PAISNAN ARABE A SUAVISA NAN LENGUAHE.

Ban pone mas atencion riba uso di nos idioma.

USO INTERESANTE

USO INTERESANTE

AYERA

E dia prome cu awe

Den nos idioma nos ta duna palabranan otro nificacion.

ESEI TA AYERA

Loke kier men:

BAI GAÑA PUSHI

Ban usa corectamente nos idioma.

SINONIMONAN

Den tur idioma tin palabranan cu e mes nificacion.

Nan ta sinonimo di otro.

Purba usa mas tanto sinonimo posibel

Esei ta enrikece nos idioma.

Nos palabra pa awe ta

STENS – CONTA Ariba